

■ GLOSSA

Pretschs enguttads

DA SILVIO CAMENISCH

So, quella giada faschain nus guttas cun chaus! Tuttas quell'as etichettas da pretschs lain nus avair, lain nus vesair enguttadas en il lain dir dals cudeschs. Ils cudeschs na patischan ussa betg, na moran betg giudlonder sco il crucifitgà. L'emprima giada fai anc mal, la segunda schon main, sco tar tut. È gea uschia. Nus libraristas scheffas ed emprendistas lain avair, lain vesair liads ils pretschs. Pretschs liads essan nus segiras fan almain betg tuppaddas. Machen die uns wenigstens keinen Blödsinn! (Blocher) I dovra lioms. Nus n'essan perquai anc ditg betg Guantanamo, sco quai che sanesters e bunumans dattan da crair.

Scheffa, duessan nus emprendistas en l'emprim onn liar ils pretschs da la trilogia e saga rumantscha da la Weltklasse Sez Ner, Hinter dem Bahnhof, Ustrinkata? Quels sa dostan vehement, na faschais betg in'idea co quels sa dostan, na vulan betg esser liads, betg chadenads! Quels laschain nus liber, libers vulan els viver e libers murir, n'han er fatg nagut dal mal a nossa chaussa da Pro idioms. Èn gea tuttina pli u main e bunamain Tudestgs ed en autras variantas da scrittira e d'alfabetisaziun. In cor ed in'olma al dretg lieu han els er perquai tuttina en lezzas variantas, ma betg en la rumantscha, vesain nus gea sin quell'as radiografias dal docter.

Quests cudeschs rumantschs qua, quels



èn tudestgs betg translats, scrits da l'emprim mument en las dretgas scrittiras d'alfabetisaziun, èn uschia insatge sco dumandads che nus libraristas scheffas na lessan po betg enguttar ils pretschs. Fissan gea tuppas, fissan gea tgutgas, enguttassan nus els sco il Salvader. Cumpra ed offerta, offerta e cumpra. È uschia sin la fiera. Noss bestsellers rumantschs tudestgs Plus en vitrinas sin podests èn vair daletg per ils egls. Trinke, o Auge, was die Wimper hält. Ustrinkata. Pleds e scrits/Reden und Schriften. La Mūdada. Settembrini Leben und Meinungen. Roba da tschel muond. Bibliographie Andri Peer

Ils bels pretschs dastgan esuser, senz'ater. Quai che na custa nagut, vala nagut. Nus na fixain nagut tar quels. Tut lasuenter sanassan els a vista mesauna nossa stizun pitschna rumantscha e tgenina. In bestseller uschia, da num e da pum, pudess tuttavida sanar nus e garantir la vita eterna. Eternitad è dumandada pir che mai en culturas e litteraturas en general, rumantschas en

particular. So. Betg empruvar cun pretschs da dumping, u gist il cuntrari ed uschia cuntanscher cun rampign la clientel. Faschain nus betg!

Scheffa, duessan nus emprendistas en l'emprim onn fixar cun guttas da lainari (27 cm) il pretsch dal novissim cudesch stgandalus Superkrise – Die Wirtschaftsblase platzt dal prof. emeritè Wittmann? Meritè avess il semnadisgrazias e crisas notoric, motorischer Unheilverkünder, sprich: Wiederholungstäter ina uschia insanu'ater, schain betg nua. Bitg gist in mund da suns e da tuns, Klangwelten, che nus lessan udir. Insatge ater na lessan nus betg udir, per nagin pretsch! Gugent spoken word, scenic, sutmalegia cun la musica, chapin nus Rumantschs er meglier. Nus pajain mintga pretsch, nagin n'è a nus memia char, meglier ditg char avunda.

Scheffa, tge faschain nus cun quests cudeschs qua tut ina pulvra? Stuaian nus tusser or la beglia e n'essan uschiglio betg allergicas da pollens e sems. Quest scribetgel Silvio Camenisch è uss nagliur dumandà. Era ina giada, n'è betg pli. Liain nus ils exemplars restants, èn gea tut ina pulvra. Tussi, matas, tussi! Tusser fa bellas. Davent cun quels. U na, fixain tuttina almain il meritè pretsch ridicul, frs. 0.00. Votants e votantas èn tut prendi per pretschs ficcads, enguttads, n'emporta ussa quant aut u quant bass. Chapis? Betg vairamain.